



20. august 2021

UKA 2021/166

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Illoqarfinni nunaqarfinnilu, immap tittarnera ulerujussuartarneralu pillugit, angallatinut umiarsuarnullu talittarfiit qarsunneqartaleriartuinnarneri, isumannaannerusumik aaqqissuunneqarnissaat siunertaralugu, UKA2022-mut naammassereersimasussamik Naalakkersuisut pilersaarusoqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartuni ilaasortaq Siverth K. Heilamnn, Atassut)

Tunngavilersuut:

Atassummiit oqariartaasigaarput, pinngortitaq aqussinnaanngilarput, inatsisiliortutulli pisut allanngorarneranni naleqqussaanissarput avaqqunneqarsinnaasanngilaq.

Kommuunet sanaartugassaat iluarsartussinerit il il nalinginnaasumik 1. Marts nallertinnagu aningaasaliiffigisassatut pilersaarutaasut, Naalakkersuisoqarfimmut apuutereersimanissaat piumasaqaataavoq, taamaattorli aamma sanaartorneqareersimasut aserfallassimasunullu nangittumik aningaasaliinerit tulleriaarinermi suliatut aningaasanut inatsisissamut sularisarlutigit.

Pinngortitarsuarpulli allanngorartuartuuvoq, pingaartumik qaammat imissineragut (ulikkaartillugu) tinerujussuartarpoq ulerujussuartarlunilu. Angallammik sineriassuatsinni ingerlaartuartuusugut, ikkarluit nusasanngitsunut nusanerusaleriartuinnarneri aammalu talittarfiit piovereersut uleruloorneratigut qarsunneqartaleriartuinnarnerat upalungaarsimaffigisariaqalerparput isumaqarpunga. Qarsutsinkkut nioqqutissat allallu assigisaat isumannaatsuunissaat anguniartariaqarmat.

Immap uleruloorneratigut silarlunneratigullu nalaattareerparput, sapusiaareersut allaat qarsullugit inissiat malinnik aqqusaałatorineqarlutik annertuumik aserfallarujujussuarneqartarnerat aammalu immap sarfarujussuarneragut talittarfiit il il qarsunneqartalernikuullutik.

Tunngavilersuutigisanni nunatta qeqqaniunerusumi kujataanilu nalaanneqarsimasut aallaaviunerupput, taamaattorli Nunatta Avannaani iluliarsuit aserornerini, qaqqaniillu



ujararujussuarnik sisoortoqarneratigut tassaarsuartoqarneratigullu, inuit inuunerannik ajunaarnermik kinguneqartareersoq arajutsisimanngilarput.

Inuit qinigaattut pisussaaffigisariaqarparput, Kommuunet Inatsisartunilu Nuna tamakkerlugu sanaartorfioreersunik naleqqussarnissarput, minnerunngitsumillu siunissami nutaamik sanaartortoqarniartillugu isumannaatsuutitsinissamik pingaartitsinissarput.

Siunnersuuteqartutuut ilisimalluarpara, pilersaarusrornermi akuersisarnermilu akisussaaffik sumiinnersoq. Inatsisartulli aningaasaleeqataasartutuut, siunnersuut tunngavilersuutigineqartorlu inatsisartuni tapaserneqarnissaa qularutiginngilara.

Pisortanut aningaasatigut allaffissornikkullu kingunerisassat:

Pilersaarusrornermut tusarniaanernnullu allaffissornikkut aningaasartutigineqartussat 500.000 kruuniunissaat naatsorsuutigineqarpoq, ukiup ilivitsup ingerlanerani AC fuldmægtigep sulineranut.

Namminersorlutik inuussutissarsiuteqartunut aningaasatigut allaffissornikkullu kingunerisassat:

Soqanngilaq

Innuttsasunut aningaasatigut allaffissornikkullu kingunerisassat:

Soqanngilaq.